

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

2021 воын Коми Республика мутасын пӧжарьяс лоны вермана кад заводитчӧм йылысь

«Пӧжарысь видзчысянлун йылысь» Федеральной оланпаслӧн 20 статья, Россия Федерацияын пӧжарьясысь видзчысян режим серти правилӧяс серти, мый вынсьӧдӧма Россия Федерацияса Веськӧдлан котырлӧн 2020 во кӧч тӧлысь 16 лунся 1479 №-а шуӧмӧн, Коми Республикаса Веськӧдлан котыр шуис:

1. Индыны 2021 воын Коми Республика мутасын пӧжарьяс лоны вермана кад заводитчӧмсӧ 2021 вося косму тӧлысь 30 лунсянь.

2. Вӧзйыны Коми Республикаын меставывса асвеськӧдлан органьяслы:

1) збыльмӧдны Россия Федерацияын пӧжарьясысь видзчысян режим серти правилӧясса 70 пункт олӧмӧ пӧртан мероприятияслысь муниципальной планьяссӧ, мый вынсьӧдӧма Россия Федерацияса Веськӧдлан котырлӧн 2020 во кӧч тӧлысь 16 лунся 1479 №-а шуӧмӧн (водзӧ – Россия Федерацияын пӧжарьясысь видзчысян режим серти правилӧяс), планьясӧн урчитӧм уджъяс нуӧдан кадколастъяс да ыджда серти;

2) пӧжарысь видзчысян канму службалӧн юкӧдувьяскӧд, асвӧля пӧжарной охрналӧн юкӧдувьяскӧд, «Пӧжарысь видзан ставроссияса асвӧля котыр» ставроссияса ӧтйӧза организациялӧн Коми республиканской юкӧнӧс петкӧдлысьясскӧд (водзӧ – ПВСАК СӖО КРЮ) ӧтув нуӧдны олысьясскӧд да муниципальной учреждениеясса уджалысьясскӧд пӧжарысь видзчысян мераяс да пӧжар дырйи налӧн вӧчӧмторьяс йылысь гӧгӧрвоӧдана удж;

3) вынсьӧдны чина йӧзлӧн вӧчӧмторьяс серти пӧрадоксӧ сӧк, кор вӧрса да ландшафтной (вӧр-ва) пӧжарьяс вермӧны вуджны олан пункт вылӧ, сы лыдын олысьяслы юӧртӧм, эвакуируйтан маршрутъяс, недыр кад кежлӧ овмӧдан пунктъяс;

4) котыртны олысьяслы пӧжарысь видзчысянлунсӧ могмӧдӧм серти примитӧм помшуӧмъяс йылысь юӧртӧмсӧ, сы лыдын граждналӧн скодъяс (чукӧртчылӧмъяс) дырйи, а сӧдзжӧ могмӧдны пӧжарысь видзчысян канму службалӧн юкӧдувьяслы, вӧр видзан органьяслы пӧжарно-технической тӧдӧмлун паськӧдны отсалӧмсӧ;

5) котыртны зданиеяскӧд, сооружениеяскӧд, олан керкаяскӧд, вӧркӧд орчча мутасьясысь кос турун, ӕг весалӧмсӧ, торйӧн кутны тӧд вылын уна йӧзаина объектъяс, социальной юкӧнса объектъяс, пӧжар дырйи ӧдйӧ сотчыны вермысь олан зданиеяс (пуысь);

6) водзвыв дасьтыны пӧжар кусӧдигӧн медводз колана

средствояслысь видзас да пöжарысь видзчысян кöлуй (ва бöчкаяс, зырьяс, ведраяс, багачьяс, багырьяс да с.в.);

7) примитны пöжарысь видзчысьöм вылö ваөн могмöдан ортсыса öшмöсьяссö, кутшöмьяс меститчöмаöсь лöсялана муниципальнöй юкөнлөн мутасын, бура уджавны лöсьöдан тырвыйö мераяс. Могмöдны ва öшмöсьяс дорö мытшöдтöг матыстчöмсö;

8) сы могысь, медым дугöдны пöжар паськалöмсö да билысь стрöйбаяс, зданиеяс да сооружениеяс вылö вуджöмсö, вөрлөн, муяслөн, нюрьяслөн олан пунктьяскöд да торйөн сулалысь объектьяскöд, кутшöмьяс меститчöмаöсь насянь зэв матын, орчча местаясын нуöдны видзан (минерализуйтöм) визьяс лöсьöдöм, весалöм да вильмöдöм серти уджьяслысь комплекс;

9) сэк, кор вермас лоны пöжар, дзик пыр пыртны лöсялана муниципальнöй юкөньяслөн мутасьясын пöжарысь видзчысян торья режим пöжарысь видзчысянлун серти содтöд корöмьяссö урчитöмөн;

10) олан пунктьяслөн мутасьясын, сад вöдитан либö град выв пуктас вöдитан лöсялана мутасьясын сад вöдитан да град выв пуктас вöдитан абу коммерческой товариществояслы прöверитны, эмöсь-ö неминучаяс йылысь йöзлы юортан системаясыс, пöжар дырйи йöзлы шыөн юортан средствоясыс да бура-ö найö уджалöны, урчитны пöжар кусöдан могьяс вылö ва видзассö, а сідзжö пырöдчыны гражданаöс пöжарысь видзчысянлун юкөннын юөртöмö;

11) могмöдны патрульнöй, патрульно-манёвреннöй, манёвреннöй да патрульно-контрольнöй группаяс лöсьöдöмсö да налысь удж котыртöмсö Патрульнöй, патрульно-манёвреннöй, манёвреннöй да патрульно-контрольнöй группаяс лöсьöдан да налысь удж котыртан пöрадок серти методика рекомендацияс серти, кутшöмьясöс дасьтöма «Россияса МЧС-лөн войтырöс дорьян да неминуचाысь видзан мытшöдьяс серти ставроссияса наука туялан институт» федеральнöй канму сьöмкуд учреждение.

3. Вöзйыны Коми Республикаын меставывса асвеськöдлан органьяслы, став эмбур сикаса организацияслы:

1) котыртны му участокьясын, кутшöмьяс меститчöны олан пунктьяслөн, сад вöдитан либö градывыв пуктас вöдитан мутасьяслөн мудорьясын, ёг пыр весалöмсö да турун ытшкöмсö;

2) лым сылан лунсянь арся зэра поводдя пуксьытöдз либö лым усьтöдз периодö могмöдны вёрдорса мутасьяссö косьмöм турунысь, сю вундöм бöрын колясьясысь, ув-баддьысь, керасьöм бöрын колясьясысь, производство да потребление шыблассьясысь да мукöд сотчыны вермысь торйысь вöрсянь 10 метрысь абу ичөтджык пасьта визьын весалöмсö либö торйöдны вöрсö 1,4 метр пасьтаысь абу ичөтджык пöжарысь видзан минерализуйтöм визьөн либö пöжарысь видзчысян мöд мытшöдөн.

4. Коми Республикаса Юралысьлөн Администрациялы чина йöзкöд да органьяскöд öтув, кодьясöс индöма тайö шуöмлөн 2, 3 пунктьясын, нуöдны пöжарьяс лоны вермана кадö пöжарысь видзчысянлун серти

коромьяс йылысь олысьяслы юортан мероприятиеяссö Коми Республикаса войтырöс дорьян да неминуचाысь видзан комитетөн сетом материалъяс подув вылын.

5. Коми Республикаса велодан, наука да том йоз политика министерстволы, Коми Республикаса культура, туризм да архив удж министерстволы, Коми Республикаса удж, уджон могмодан да социальнöя дорьян министерстволы, Коми Республикаса вынйор совмодан да спорт министерстволы, Коми Республикаса йозлысь дзоньвидзалун видзан министерстволы пöжарысь видзчысян канму службалон юкөдувьяскöд, асвöляя пöжарнöй охраналон юкөдувьяскöд, ПВСАК СОО КРЮ-öс петкөдлысьяскöд, Коми Республикаын меставывса асвеськөдлан органьяскöд öтув нуодны канму учреждениеясса уджалысьяс, граждана, Коми Республика мутасын меститчöм велөдчаниньясса велөдчысьяс (быдтасьяс) пöвстын пöжарысь видзчысян мераяс да пöжар дырйи налон вöчөмторьяс йылысь гөгөрвоодана удж.

6. Коми Республикаса видз-му овмöс да потребительскöй рынок министерстволы збыльмөдны öлөдан мероприятиеяслысь комплекс, кутшöмьясöс веськөдöма көрым да видз-му овмöс мукöд культура заптан, видзан да нуан периодö Россия Федерацияын пöжарысь видзчысян режим серти правилöяссö торкалöмьясысь видзчысьöм вылө.

7. Коми Республикаса стрөйтчан, оланін да коммунальнöй овмöс министерстволы котыртны мероприятиеяс нуөдöмсö, кутшöмьясöс веськөдöма организациясөн да гражданаон наон автомашина туйясөн вөдитчигон Россия Федерацияын пöжарысь видзчысян режим серти правилöяссö торкалöмьясысь видзчысьöм вылө.

8. Вöзйыны Коми Республикаын меставывса асвеськөдлан органьяслы, Россияса МЧС-лөн Коми Республикаын медшөр веськөдланінлы, Коми Республикаса видз-му овмöс да потребительскöй рынок министерстволы, Россельхознадзорлөн Коми Республикаын веськөдланінлы, Коми Республикаса вөр-ва озырлун да гөгөртас видзан министерстволы пыр вежласьны видз-му овмöс төдчанлуна да запас муяс, олан пунктьясса му участокьяс да вөр фондса участокьяс кыин кутысьяс йылысь юөрөн, кодьяс торкалöны пöжарысь видзчысян корөмьяссö.

9. Вöзйыны «Россияса көрт туйяс» ВАК-лөн Войвыв көрт туйса Сосногорскса мутас веськөдланінлөн филиаллы збыльмөдны öлөдан мероприятиеяслысь комплекс, кутшöмьясöс веськөдöма көрт туйясөн, кежөд визьясөн да көрт туйяслөн видзан зонаясөн вөдитчигон Россия Федерацияын пöжарысь видзчысян режим серти правилöяссö торкалöмьясысь видзчысьöм вылө.

10. Тайö шуöмсö олөмө пöртөм бөрся видзөдö Коми Республикаса Веськөдлан котырөн Юрнуодысьöс вежысь.

11. Тайö шуöмыс вынсялө сйöс примитан лунсянь.

Коми Республикаса Веськӧдлан котырӧн
Юрнуӧдысьӧс медводдза вежысь

И. Булатов

Сыктывкар
2021 вося косму тӧлысь 29 лун
220 №